

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA MOJA

KIKAO CHA ISHIRINI NA TISA

15 MEI, 2018



ORODHA YA SHUGHULI ZA LEO

MKUTANO WA KUMI NA MOJA

KIKAO CHA ISHIRINI NA TISA – TAREHE 15 MEI, 2018

I. DUA:

II. HATI ZA KUWASILISHA MEZANI:

WAZIRI WA KILIMO:

Hotuba ya Makadirio ya Mapato na Matumizi ya Wizara ya Kilimo kwa Mwaka wa Fedha 2018/2019.

MWENYEKITI WA KAMATI YA KUDUMU YA BUNGE YA KILIMO, MIFUGO NA MAJI:

Taarifa ya Kamati ya Kudumu ya Bunge ya Kilimo, Mifugo na Maji kuhusu Utekelezaji wa Majukumu ya Wizara ya Kilimo kwa Mwaka wa Fedha 2017/2018 pamoja na Maoni ya Kamati kuhusu Makadirio ya Mapato na Matumizi ya Wizara hiyo kwa Mwaka wa Fedha 2018/2019.

III. MASWALI:

OFISI YA RAIS (TAMISEMI):

241. MHESHIMIWA SAUL HENRY AMON (RUNGWE):

Atamuuliza Mheshimiwa Waziri wa Nchi Ofisi ya Rais (TAMISEMI):- Jimbo la Rungwe ambalo lina Kata 29 lina Vituo viwili tu vya Afya ambavyo ni Masukulu na Ikati; Wananchi wa Kata ya Mpuguso na Isongole kwa nguvu zao wameanzisha ujenzi wa Vituo vya Afya:-

Je, Serikali ina mpango gani wa kusaidia kumaliza ujenzi huo ili kuwapunguzia adha ya kusafiri umbali mrefu kufuata matibabu katika Hospitali ya Wilaya ambayo baadhi ya maeneo ni takriban kilomita 50 na usafiri usio wa uhakika.

242. MHESHIMIWA EDWARD FRANZ MWALONGO (NJOMBE MJINI):

Atamuuliza Mheshimiwa Waziri wa Nchi Ofisi ya Rais (TAMISEMI):- Watendaji wa Vijiji ni kada muhimu sana katika kuwahudumia Wananchi walio Vijijini:-

Je, Serikali ina mpango gani wa kuwapatia mafunzo ya mara kwa mara Watumishi hawa ili kuboresha utumishi wao na utoaji huduma kwa Wananchi walioko Vijijini.

WIZARA YA MALIASILI NA UTALII:

243. MHESHIMIWA AMINA SALEH MOLLEL (VITI MAALUM):

Atamuuliza Mheshimiwa Waziri wa Maliasili na Utalii:-

Je, ni kwa kiwango gani Serikali imetekeleza agizo la Bunge la kukusanya kodi katika huduma za mahoteli kwenye Hifadhi za Taifa kwa njia ya *“Concession Fee” Fixed Rate*.

WIZARA YA MADINI:

244. MHESHIMIWA UPENDO FURAHA PENEZA (VITI MAALUM):

Atamuuliza Mheshimiwa Waziri wa Madini:-

Je, ni lini Serikali itawapatia wachimbaji wadogo wadogo maeneo yaliyopimwa na uwepo wa

madini kama Dhahabu ikiwemo Moroko katika Mkoa wa Geita na maeneo mengine yenye madini nchini.

WIZARA YA MAJI NA UMWAGILIAJI:

245. MHESHIMIWA GODFREY WILLIAM MGIMWA (KALENGA):

Atamuuliza Mheshimiwa Waziri wa Maji na Umwagiliaji:- Mradi wa maji wa Kalenga – Tanangozi ni wa muda mrefu na miundombinu yake imechakaa kabisa na hivyo kukosa kukidhi mahitaji ya Wananchi:-

Je, ni lini Serikali itaanza kurekebisha mradi huu ili Wananchi wapate maji ya uhakika.

246. MHESHIMIWA OMARI MOHAMED KIGUA (KILINDI):

Atamuuliza Mheshimiwa Waziri wa Maji na Umwagiliaji:- Wilaya ya Kilindi ni miongoni mwa Wilaya chache zinazopata mvua nyingi nyakati za mvua lakini maji hayo yamekuwa yakipoteya:-

(a) Je, Serikali ipo tayari kuweka utaratibu wa kuvuna maji hayo kwa kujenga mabwawa

makubwa ya kuhifadhia maji hayo kwa matumizi ya binadamu;

- (b) Je, Serikali imejipangaje kujenga mabwawa kwa ajili ya Kilimo cha Umwagiliaji na ufugaji wa Samaki.

247. MHESHIMIWA JULIUS KALANGA LAIZER (MONDULI):

Atamuuliza Mheshimiwa Waziri wa Maji na Umwagiliaji:- Je, ni lini Serikali itatimiza ahadi ya Mhe. Rais wa Jamhuri ya Muungano wa Tanzania ya ukarabati wa mabwawa matatu katika Kata ya Esilalei ambayo aliahidi tangu mwaka 2015.

WIZARA YA UJENZI, UCHUKUZI NA MAWASILIANO:

248. MHESHIMIWA MAGDALENA HAMIS SAKAYA (KALIUA):

Atamuuliza Mheshimiwa Waziri wa Ujenzi, Uchukuzi na Mawasiliano:- Maeneo mengi ya Wilaya ya Kaliua hayana mawasiliano ya simu ya uhakika:-

Je, Serikali ina mpango gani wa haraka wa kupeleka mawasiliano ya simu katika Jimbo la Kaliua kwenye Vijiji vya Mpanda Mlohoka, Usimba, Mwamashimba, Usinga, Kakoko, Ibumba, Kombe, Shala, Mkuyuni n.k.

WIZARA YA ELIMU, SAYANSI NA TEKNOLOJIA:

249. MHESHIMIWA JORAM ISMAEL HONGOLI (LUPEMBE):

Atamuuliza Mheshimiwa Waziri wa Elimu, Sayansi na Teknolojia:-

Je, kwa nini Serikali isiingize kwenye mitaala ya elimu somo la umuhimu wa kulipa kodi ili lifundishwe kuanzia shule ya msingi ili Wananchi wapate uelewa wa kodi na waweze kufurahia kulipa kodi kama ilivyo kwa nchi zilizoendelea.

250. MHESHIMIWA ESTER ALEXANDER MAHAWA (VITI MAALUM):

Atamuuliza Mheshimiwa Waziri wa Elimu, Sayansi na Teknolojia:- Sera ya Elimu ya mwaka 2014 inaelekeza utoaji wa elimu bila malipo kuanzia ngazi ya chekechea hadi kidato cha nne ikiwemo kuondoa gharama za kulipia

Mitihani ya Kitaifa katika Shule za Msingi na Sekondari. Lakini Wanafunzi wanaosoma katika Shule zisizo za Serikali wanalipishwa gharama hizo wakati wazazi wao wanalipa kodi inayowezesha kutolewa kwa elimu hiyo bila malipo:-

Je, ni lini Serikali itafuta ada hiyo ya mitihani kwa Wanafunzi wanaosoma katika Shule binafsi.

IV. HOJA ZA SERIKALI:

WAZIRI WA KILIMO:

Kwamba, Bunge sasa likubali kupitisha Makadirio ya Mapato na Matumizi ya Wizara ya Kilimo kwa Mwaka wa Fedha 2018/2019.

**DODOMA
15 MEI, 2018**

**S. KAGAIGAI
KATIBU WA BUNGE**